

新寧縣志

新寧縣志

①

廣東方志之七

學書局印行

新

聞

縣

志

(二)

新甯縣志卷九

建置略上 城池 殿臺坊 廨署 學校 壇廟

城池

新甯縣城明宏治十一年巡撫鄧瓚巡按王哲奏請析
新會置新甯縣十二年知縣任鉞始以木爲柵十六年
大水城盡頽正德間案黃通志時六年也御史周謨命攝令通判
朱源改築周五百三十丈高一丈一尺雉堞一千一百
一十二甃以甌外植竹爲子城東西南爲三門門各一
樓北以逼於山故不門焉嘉靖十一年知縣譚才養大
修二十二年知縣王臣又修隆慶六年增高五尺案李義壯
記今牆五尺張堞九百六十有二後併爲四百八十窩
志作四尺誤

鋪十二案張志作二十然李義壯記警鋪共一十二櫓如舊制後萬厯十五年陳吾德記乃飾三門樓櫓十二警鋪二十當又置三門內兵馬司一所城外更是十二傳寫誤也

棧城北巡軍宿營二所如舊制萬厯十五年知縣揭廷

植增馳道周城高三尺飾三門樓櫓十二警鋪城東南

隅建敵樓焉案張志繫敵樓於隆慶六年謂本王志然陳吾德記廣昌揭侯來尹茲土又廼就城

東南扼其要害鼎建敵樓且王高亦謂敵樓增在萬厯

丁亥距元年癸酉實萬厯十五年非隆慶年也故改正

於此焉之論口凡城多跨山居高易控甯城獨否東

有山三二在城外一在城內名曰連珠外山獨高寇從

外窺我虛實可得此經始之不善也明萬厯丁亥知縣

揭廷植就東南起敵樓一座鎮之於城上高築馳道以

便登陣歲久樓傾未雨網繆是在良守邦哉二十九年颶風壞城堞知縣熊

文華修三十七年崇禎四年風雨迭作堞傾者再國

朝順治九年大雨西城傾知縣凌必顯修復康熙九年

修東西南三門城樓十一年修圯城皆知縣甯林經理
四十五年知縣齊溥修東西南三門樓雍正二年知縣
姜朝俊修復東南二十丈八年知縣薩海署合黃煌修
南門城樓十年知縣王嵩大修計一百四十八丈七尺
乾隆五年題准部覆動項修葺二十九年知縣方顯倡
修南門城樓三十九年知縣詹吳高築城南濠周五百
五十丈廣一丈深五尺渠三以洩城中之水道光二十
一年知縣張深修光緒三年知縣完繼美修十八年雨

西南傾四丈尋補復

據阮通志龐嵩重修城隍廟記張志縣冊參修

掛隆慶六年李義壯記予觀於今日而益知城池之不可已也蓋自嘉靖末年以迄于今倭賊入寇由建康兩浙人閩以抵余廣沿海州縣衛所內訌外衛無何而廣海一蕩破矣莆田姚君文燁來知縣事覽

觀形勝而嘆曰廣海與吾新甯唇齒也今縣庠毀海
防摧敗又無一兵可恃是尙可爲國乎乃亟謀之寮
屬詢之父老皆以爲不可緩也於是翻諸掌故而見
前署縣事通判李君析者亦嘗計議於此而以財力
均派之民公謂東南民力竭矣卽征賦猶未可完而
又使倍出民何以堪縣舊有沒官房屋田土牛馬等
件共計價值三百五十六金奸民侵占守禦營房並
私相典當卽不追究其罪而薄徵其稅共計價值二
百餘金皆先年隱匿不暇究者至是照數檢括還官
并原估紙贖四百餘金幾計千兩又計里甲之夫若干
守禦軍餘之夫若干共計若干謀慮旣周制用亦足
具請於總制都御史李公遷巡按御史趙公焯廣州
郡守胡公心得刻期舉事相土計工采薪輦石又擇
耆老之有行義者三十人分董其事守禦千戶王承
宗典史王樹亦皆共考其成舊城廣五百三十丈高
一丈一尺厚倍一丈九以女牆四尺共高儉一十五
尺今牆五尺計二十八尺城有東西以南三門門上各
樓楹檣三營鋪共一十二楹如舊制舊濠六百三十
丈深五尺廣二丈比年修治不時堙塞旣甚公又域
界以分役鑿池以築城濬所未深通所旣塞未幾而
池之深廣亦如舊制事始於隆慶五年八月之吉至
今正月成新甯之父老小子咸喜以爲久安長治之

計至是始獲念惟姚公之德延及來世圖報罔稱私
何以安於是請於賢官博士林君效賓彭君曰芳其
狀徵文刻之堅石以識公思子謂古之善爲政者能
知其所緩急而與時消息焉耳不善爲政者急其所
緩緩其所急於是事益債民益瘁公嘗殤於虎者故
於蒞任之初而卽以此爲急務且其治軍實除戎兵
練習以時簡閱有道凡爲倭備又無不至不然則前
日倭賊之猖獗直抵城下殘垣敗壁尙可守乎抑又
聞之遠柔則近輔外治則內安廣海一衛去城不百
里而近實新甯之大防也乃今玩愒若此人心猶尙
凜凜也有世道之責者其尙深念此哉而無恃此城
池以爲安也

又萬厯十五年陳吾德記 萬厯十有五載日長至
新甯城工告竣事李千戶名臣以書幣來請記曰惟
我甯城創於宏治己未於時草昧卑陋弗壯厥廣輪
惟五百丈又三十尺廣高丈一尺厥厚倍一尺雉堞
高四尺東南隅跨城失險城外山雄峙逼瞰城中實
犯形勢所忌隆慶辛未倭寇猝至登山瞰我甯田姚
侯豐城鄧子龍射却之賊退城高五尺然城上馳道
距地僅丈二尺守望弗便且歲久樓櫓警鋪傾圯而
外山俯城卒無以異也廣昌揭侯來尹茲土每登輒
嘆曰茲殆兵家所謂挂形者不可守也歲乙酉侯修

學有才置兵宇險文事武備兼舉百度維新民用大
和於是請於兩院司府報可乃鳩工庀材程能廉任
躬親省試一磚一木務極半緻爲久遠計迺就城東
南扼其要害鼎建敵樓峻峭高聳抗壁外山迺築
城馳道砌高三尺以便守者乃飾三門樓櫓十二
鋪易朽以堅規制大備魏然煥然僉幸甯有金城矣
顧茲龐恩鴻烈非勒貞珉以爲不朽子大夫其圖諸
陳吾德曰城以保民其道一焉先幾而圖存者智也
臨事而衛國者仁也方今寓內又安侯奉宣德意洽
彼蒸黎甯人安堵樂業稱蒸隆盛而居安慮危爲身
後千百年計尤其難者其忠誠任事視國如家豈世
之傳舍其官者可同年語耶昔仲山甫城齊詩人美
曰夙夜匪懈以事一人原其心也後之繼侯者存匪
懈之心以敬其事甯爲保障毋爲繭絲則是城永有
無形之險矣尙念之哉侯江西建昌府廣昌人名廷
植字良棟裘軒其別號云

廣海衛城赤溪協鎮右管都司駐劄所卽前陽江鎮中
軍遊擊守備移駐處也原隸新會宋置巡檢司於此是
爲古梅州明洪武二十年命都司花茂開創遷巡檢司

於望頭鄉以其地置衛所二十七年建衛城計丈一千

零二十四垛口八百七十四敵樓十五窩鋪四十二三

十年指揮夏必振增築周一千九百六十五丈阮通志九百三

十二丈九尺相去七遠縣冊作一千零二十四丈高二丈二尺縣冊高一丈一尺雉堞

二千六十五通志二千四百門四大樓月樓如制門各設兵馬

司六所案張志四門兵馬司八所共二十四間既云二十四間則爲六所也故正之窩鋪二

十八間萬厯二十年守道大參李同芳議增敵樓比前

加倍指揮劉承緒邵蔭祖以千百戶莫善禮小尙仁何

夢鶴董其役城外子城高六尺厚二尺久圯國朝乾隆

二年五年俱准部覆動項修葺城外爲池深五六尺闊

如之東自燕子窩至城西隅低可積水餘俱依山開塹

光緒八年知縣曾行崧都司鮑燦因兵燹後倡捐大修

據檔冊張

志縣得修

那扶營輒腳土城周一百二十二丈四尺高一丈厚四尺在縣西南一百二十里舊係守備駐劄雍正十三年改都司隸肇慶春江協營下乾隆五年嘉慶十五年俱准部咨勅項修葺同治七年改都司爲赤溪協左營都

司移瓊州鎮右營守備駐此

據阮通志張志檔冊修

大澳觀音山石礮樓一座兵房六間乾隆五十九年總督覺羅長麟飭建樓內礮位四樓外另建礮臺一座礮位三嘉慶三年知縣謝濤又於樓後左邊增設兵房三

間望樓一座

阮通志

殿臺六處一在荻海埠一在三义海北岸一在三义海

西岸一在陡門一在烽火角一在橫山

據張志並采訪冊修

案張志有長沙殿臺今屬赤溪不錄

廨署 庫監埒 考棚埒 善堂涼亭埒

萬壽宮舊在明倫堂之後雍正九年知縣王昌恭建後遷西門外今址嘉慶十七年修同治十年知縣黃恩貴

十二年知縣劉兆霖重修

據張志縣冊修

縣署在城中明宏治十二年建正德六年署縣朱源修嘉靖十一年知縣譚才養修萬曆三十年知縣熊文華修崇禎十二年又修 國朝康熙六十一年知縣姜朝俊雍正九年知縣王昌嘉慶十六年知縣張克振十八

年知縣陳文炳各重修道光二十一年知縣張深修

據

通志龐嵩城隍廟記張志修

按張志知縣王暉於頭門外增八字牆路甃以甃
大堂後新建宅門以舊宅門爲二堂東西各建書
房三間舊大門上有譙樓門兩旁舊有榜房左旌
善亭右申明亭東西兩街有育士保民二坊俱久
圯惟署後西偏牆外皆屬署基前明有池館之勝
舊志有記又西街路北一帶亦署地尙有地租一
款批解藩庫

兩學署在崇聖祠左右

案陳萬言重修學宮記左右有廡教職有署則署應建在明宏

治十三年明崇禎十二年修

國朝乾隆二十九年道光十

七年又修

據張志修

攷知縣胡大復以道光十五年任明年倡修學宮疑修學署當在十六年非十七也且事紀略云十

六年重修學宮下云兩學署

典史署在縣署東卽自前明宏治十二年

國朝因

之嘉慶十六年典史劉越重修

張志

城守營新會右營守備署在第一堡南門街舊蜚英書

院故址雍正十年建

張志

廣海衛萬壽宮在城內東北縣丞署右

采訪冊

縣丞署在廣海前主簿署也同治七年總督瑞麟巡撫蔣益澧奏將廣海主簿改爲赤溪同知司獄將縣丞移

駐廣海改主簿署爲縣丞署光緒七年大風後堂毀縣

丞沈筠捐修復

據稿冊采訪冊修

按張志縣丞舊署在五堡乾隆二十年裁新會大
瓦司巡檢添新甯縣丞駐劄那骨堡地方動項建
署併建行署於大澳每年七八月拖風漁船出海
卽居行署爲之鎮撫二三月漁船回澳乃回正署
三十一年題准移駐大澳拆那骨堡舊署改建

上川司鹽巡檢署在海晏街舊海陸場鹽大使署初嘉
慶二十二年巡撫董教增題將海陸場大使改置上川
巡檢司並將大使署估變准於上川改建隨以經費支
絀不果遂因大使署爲署

據張志司冊參修

按阮通志廣府志張志皆云鹽巡檢署在上川特

據部案言耳司冊較實今從之

都司署在寨城內西南前中軍守備署也初同治七年

改守備爲都司始以赤溪協右營都司駐此據采訪冊

石哨千總署舊在廣海西門今駐大澳灣汎張志

左哨頭司把總署舊在廣海東門街今駐下川大擔汎

張志

左哨二司把總署在廣海南門街西嘉慶十六年改駐

烽火角礮臺同治七年改爲赤溪協右營左哨存城把

總復劄廣海城內仍管礮臺事務據張志

右哨二司把總署原在廣海西門嘉慶十六年改駐橫

山礮臺

張志案府志作西山整臺

上川把總署一所軍裝庫一間汛房四間嘉慶二十二年建同治七年改赤溪協左營左哨頭司把總移駐都解將廣海寨存城左哨頭司外委把總駐此

參張志檣冊修

那扶營守備署卽原守備後改都司署也東北距縣一

百二十里雍正十年建

參張志營冊修

庫在縣署大堂右儀仗庫三間

據府志張志修

監獄在縣署儀門右原四間知縣王嵩增設四間

張志

按廣府志雍正九年知縣王嵩詳請增建女監一所殆謂此

廣海寨較場演武亭在寨城東北半里遊擊敖臨重建

張志

軍裝庫火藥局在寨城內前守備署今都司署東康熙

二十三年建

參張志
檔冊修

都斛汛赤溪左營把總署原廣海衛左哨外委千總駐
劄同治七年將千總撥駐長沙改原駐上川把總於此

九年沿制重建

據檔冊采
訪冊修

鎮口汛把總署同治九年題准重建以雷州營撥置赤
溪協左營把總駐此

牛山汛駐劄外委把總署同治九年重建以三江協撥
署赤溪左營外委把總駐此

以上三汛兵弁隸赤溪左營地爲縣屬